

fici. Colonos accepit duce *Petro de Valdivia*, anno 1550. Resident hic Gubernatores, ex quo tempore abrogata fuit suprema audientia five curia, quæ hic ab anno 1567 ad annum usque 1574 obtinuit. Cœnobium habet Dominicanorum, Franciscanorum, Mercenariorum. Portus urbis finis est ac maris diverticulum, cui insula ad arcendas maris tempestates, veluti pro vallo, objecta est. Oppidanos quotidie infestant Arauscani, omnium Chilenfium pugnacissimi, nec artium militarium prorsus rudes: quo fit, ut rex hic præsidia militum alere cogatur: nihilominus tamen oppidum jam aliquoties à barbaris interceptum & dirutum fuit. Continenti hic adjacet insula S. Mariæ, quam Hispani ægerrime adversus barbaros tuentur.

De Los Infantes.

Vrbem *Villanueva de los Infantes*, five de los Confines, coloniam fecit *Garcia de Mendoza*. Ab urbe *Concepcion* 16 abest leucis, 8 vero à montibus *Andes*. Cœnobium habet Dominicanorum & Franciscanorum. Contermini sunt hujus urbis finibus Indi, qui bello ac armis ditiones suas tuentur, ideoque non nisi magno præsidio militum adversus barbaros hosce urbs defendi potest. Per mediam urbem labitur fluvius præstantissimus *Biobio*, aliique in hunc effusi, uti & fluvius *Nivequeten*.

La Imperial.

In civitatem *La Imperial* colonos duxit P. Valdivia anno 1551, altitudinem attingens grad. 39 tribus à mari leucis distat. Est hic cathedralis Ecclesiæ sedes, uti & cœnobium Franciscanorum & Mercenariorum. Ditionis suæ ambitu plus quam 8000 Indos habet, aliosq; in his tractibus militiæ operam dantes. Præterlabitur eam fluvius *Cauten*, per quem in ipsum mare navigatur, licet portum habeat minus securum. Metropolis est secundi Episcopatus regni Chilenfis. Ager ejus idoneus est ad ferendam segetem, ineptus ad vina, quæ hic ad maturitatem vix perveniunt. Pascua habet

alendo pecori commoda, sed lac minus bonum præbent vaccæ.

Villa Rica 20 aut circiter leucis à mari, ad *Villa Rica* lacum jacet *Mallabauquen*, qui fluvio se in mare exonerat, nomen illi *Rio de Tolton*. Fons in urbe est gemina ebulliens scaturigine, adeo crassa, lataque, ut humani corporis crassitiem adæquet. Pinos fert, quas Hispani vocant *Pinones de Libano*. Coloniam quoque fecit idem Valdivia.

At urbs *Valdivia* penè medio loco sita est, inter Chiles terminum borealem, & fretum Magellanicum, in regione, quam vocant *Guadalanguen*, duabus à mari distat leucis, ac urbe *de la Concepcion* 50. Tractu sita est fertili, & tritici, ac aliorum leguminum feraci. Pascuis insuper luxuriat, ac vino caret. Merces per fluvium *Valdiviam* vehuntur, qui prope eam labitur. Auri quoque præstantissimi dives est. Percommodum habet portum, qui facili negotio communiri posset. Excisum aliquando à barbaris fuit, sed ab Hispanis restauratum.

Vrbs *de Osorno* 7 à mari leucis in regione frigidiuscula, sed auri divite. Colonia est *Garcia de Mendoza*. Cœnobium habet Dominicanorum, Franciscanorum, nec non Monialium. Territorio suo continet Indos 20000.

Denique *Castro*, Indorum lingua *Chilue*, quadraginta tribus aut quatuor gradibus ab *Æquatore*, in medio insularum, quæ hic per ingentem lacum, quem vocant *Ancud*, sparsæ. Deducti huc sunt coloni, quo tempore regnorum *Peruvia* imperium habebat *Licentiatus Lope Garcia de Castro*.

Archipelagus vero insularum 42 leucis abest ab urbe *Osorno*, quarum maxima longa est leucas 50, lata duas, alicubi novem. Mare intercurfat illas usque montes *Andes*. Regio est montibus & collibus aspera, tritici, mayzique ferax, & quod rarum est, in ipso littore auri fodinas habet.

Series portuum, promonteriorum, sinuum, fluviorum littoris

Chilenfis à grad. alt. Australis 26 ad 43, hæc est.

Sinus & Vallis *Copiapo*.
Fluvius *Guasco*.
Insulæ *Totoral*, de *Muxillones*, de *Paxares*.
Fluvius *Toral*.
Sinus de *Coquimbo*.
Sinus de *Tongoy*.
Fluvius de *Limara*.
Promontor. del *Governado*.
Fluv. la *Liana*.
Fluv. *Topocalma*.
Promont. de *Corona*.
Fluv. de *Maypo*.

Fluv. *Cachapool*.
Promontor. de *Bairres*.
Fluv. de *Loro*.
Fluv. *Mauque*.
Prom. de *Homas*.
Fluv. *Trata*.
Prom. de la *Herradura*.
Sinus de *Penco*.
Prom. de *Biobio*.
Insula de S. *Maria*.
Fluv. *Labapi*.
Fluv. de *Lebo*.
Prom. del *Carnero*.

Insul. *La Mocha*.
Fluv. *Tolten*.
Sinus *Queule*.
Prom. de *Galera*.
Fluv. *Bueno*.
Prom. de *Valdivia*.
Prom. S. *Marcelo*.
Prom. de *Canqui*.
Golfo de los *Coronados*.
Prom. de la *Valena*.
Prom. *Feliz*.